

UNIVERZITET U TUZLI
Broj: 01-157-JN-9/25 LOT5
Tuzla, 09.01.2026.godine

Na osnovu člana 69. stav (2) tačka d) i člana 70. stav (4) i (6) Zakona o javnim nabavkama BiH («Službeni glasnik BiH» broj: 39/14, 59/22 i 50/24) te člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika o pregledu i ocjeni ponuda broj: 01-157-JN-8/25 LOT5 od 28.01.2026. godine, po punomoći Rektora Univerziteta u Tuzli broj: 01-6591-14/25 od 18.09.2025. godine, Direktor za ekonomske poslove donio je

ODLUKU **o poništenju postupka javne nabavke**

I

Poništava se otvoreni postupak javne nabavke računarske opreme (ralizacija projekta DEMTeDLIA) - LOT 5, zbog činjenice da nijedna primljena ponuda nije prihvatljiva.

II

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

Obrazloženje

Univerzitet u Tuzli pokrenuo je otvoreni postupak javne nabavke računarske opreme (ralizacija projekta DEMTeDLIA) - LOT 5, broj: 01-157-JN-2/25 LOT5 od 25.08.2025. godine, koji je objavljen na Portalu javnih nabavki obavještenje broj: 795-1-1-164-3-154/25 od 15.10.2025. godine, a sažetak u „Službenim novinama BiH” broj: 63/25 od 24.10.2025. godine i WEB stranici Univerziteta.

U ostavljenom roku ponudu je dostavio ponuđač TESLA SHOP d.o.o. Bijeljina.

Analizom zaprimljene ponude utvrđeno je da je ponuđač na stranama 53. do 63. ponude dostavio kolor kopiju Aktuelnog izvoda iz sudskog registra, a u tački 3.3.3. tenderske dokumentacije je jasno navedeno da dokazi koji se dostavljaju moraju biti originali ili ovjerene kopije kod nadležnog organa (organ uprave – općina, sud ili notar). Nadalje, ponuđač je u Obrascu za cijenu ponude bio dužan jednoznačno popuniti kolonu 6, navodeći naziv proizvođača, vrstu i tip proizvoda, odnosno jedinstvenu oznaku proizvoda (part number), na osnovu koje je moguće jednoznačno i nedvosmisleno utvrditi o kojem se tačno proizvodu radi. Po izvršenoj provjeri tehničke dokumentacije i javno dostupnih podataka za model ASUS TUF Gaming A17 FA707NUR, utvrđeno je da oznaka modela FA707NUR sama po sebi ne omogućava jednoznačno određivanje konfiguracije uređaja. Ovaj model se proizvodi u više varijanti koje se razlikuju po part numberu (FA707NUR-HX011W, FA707NUR-HX002W, FA707NUR-HX064W i FA707NUR-HX079), a od kojih pojedine varijante dolaze bez operativnog sistema („No OS” / FreeDOS), druge varijante dolaze s predinstaliranim Windows 11 Home, a treće varijante dolaze s predinstaliranim Windows 11 Pro.

S obzirom na to da ponuđač u ponudi nije naveo tačan part number uređaja, iz dostavljenih podataka nije moguće jednoznačno utvrditi da li ponuđeni model zadovoljava tehničke karakteristike kao što je traženo u Obrascu za cijenu ponude. Za stavku A1 (Procesor), u kojoj je traženo da Benchmark rezultat bude minimalno 45.430 bodova na PassMark (<https://www.cpubenchmark.net/>), ponuđač je u kolonu 5 – “Karakteristika ponuđene opreme” upisao vrijednost 45.430. Međutim, ponuđač nije dostavio prateću tehničku dokumentaciju kojom bi se navedena vrijednost mogla potvrditi, čime nije ispunjen zahtjev iz tačke 3.5.1.a Tenderske dokumentacije, koja propisuje obavezno dokazivanje tehničkih specifikacija

ponuđene opreme. Za stavku A2 (Grafika), u kojoj je traženo da Benchmark rezultat bude minimalno 26.950 bodova na PassMark (<https://www.videocardbenchmark.net/>), ponuđač je u kolonu 5 – “Karakteristika ponuđene opreme” upisao vrijednost 26.950. Međutim, ponuđač nije dostavio prateću tehničku dokumentaciju kojom bi se navedena vrijednost mogla potvrditi, čime nije ispunjen zahtjev iz tačke 3.5.1.a Tenderske dokumentacije, koja propisuje obavezno dokazivanje tehničkih specifikacija ponuđene opreme. Za stavku A5 (Ekran), u kojoj je zahtijevano da rezolucija ekrana bude najmanje WQHD (2560 × 1440), ponuđač je u koloni 5 – “Karakteristika ponuđene opreme” naveo WQHD (2560 × 1440). Međutim, ponuđač nije u priloženom katalogu dokumentovao navedenu karakteristiku iz Obrasca za cijenu ponude, već je dostavio dokumentaciju koja pokazuje da ponuđeni model ASUS TUF Gaming A17 FA707NUR ima rezoluciju ekrana FHD (1920 × 1080). Time nije ispunjen minimalni tehnički zahtjev za stavku A5 (Ekran), kojim je traženo da rezolucija ekrana bude najmanje WQHD (2560 × 1440). Za stavku A5 (Mreža) u kojoj je traženo da posjeduje Wi-Fi i Bluetooth, ponuđač je u kolonu 5 – “Karakteristika ponuđene opreme” upisao dva puta DA tj. propustio da upiše Karakteristike ponuđene opreme. Iako je ponuđač bio dužan jasno i jednoznačno popuniti stavku iz kolonu 5. detaljno upisujući konfiguraciju ponuđene opreme, te jasno navodeći ponuđenu karakteristiku. Za stavku A10 (operativni sistem) ponuđač je u Obrascu za cijenu ponude naveo da nudi Windows 11 64bit, dok je u katalogu na strani 10 označio operativni sistem Window 11 Home, Window 11Pro i Bez operativnog sistema čime je ponuđač propustio da naznači koji operativni sistem nudi, što nije u skladu sa zahtjevom iz tačke 3.5.1.a Tenderske dokumentacije.

Komisija za javne nabavke ocijenila je ponudu ponuđača TESLA SHOP d.o.o. Bijeljina neprihvatljivom, zbog čega se odbacuje.

Uzimajući u obzir naprijed navedeno Komisija je jednoglasno predložila Direktor za ekonomske poslove Univerziteta u Tuzli da donese Odluku o poništenju postupka javne nabavke računarske opreme (ralizacija projekta DEMTeDLIA) - LOT 5 iz razloga što pristigla ponuda nije prihvatljiva, a u skladu sa članom 69. stav (2) tačka d) ZJN kojim je definisano da je ugovorni organ dužan poništiti postupak javne nabavke u slučaju da nijedna od primljenih ponuda nije prihvatljiva.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli, Direktor za ekonomske poslove Univerziteta odlučio je kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj:
01-157-JN-8/25 LOT 5 od 28.01.2026. godine



DOSTAVITI:

- 1x ponuđaču
- 1x WEB portal
- 1x a/a